

續修廬州府志卷十九

花翎道銜江南安徽廬州府知府清泉黃 雲總修

祠祀志下 寺觀附

府治合肥縣

佑聖宮在德勝門內宮名取助佑聖明意思里人不察私
創北聖祖聖東聖等官配之正德中督學御史林有孚
盡折毀後有建者郡守吳公又毀之明隆慶志祀真武神明
正德崇禎寇至屢顯靈異殿前銀杏一株其高十丈康熙志

白鶴觀在教弩臺西元時建明隆慶志所供老君像為唐處

士劉鸞所壙康熙志

續修廬州府志 卷十九 祠祀志下

明馬廷用詩經過此地見瑤臺曾是仙人跨鶴來松徑
晝寒惟雪鼎茶爐烟冷半莓苔一樽臘後春前酒四座
淮南冀北才坐久不知衙
吏散隔溪猶聽晚鐘催

梓潼觀在伍君臺東宋時建祀文昌神明隆慶志

玉虛觀即子胥臺俗稱中聖宮康熙志

永真觀在縣學西南明隆慶志

沖元觀在南鄉三河鎮宋建明隆慶志

福嚴院在梁鄉東南三十五里浮槎山梁天監中公主
祝髮為尼於此建道林寺以居之輿地紀勝梁武勅建初名

道林寺又名福嚴康熙志浮槎山有福嚴寺碑天下名勝志按

浮槎寺梁時所建即此明隆慶嘉慶志

千佛寺廣化院舊名千佛寺在左廂東千佛坊舊志云

昔有銅象千身周世宗毀之合肥縣卽其舊基輿地紀勝

明教寺在城歲豐橋北卽魏武教弩臺唐大厯中因得

鐵佛一丈八尺奏爲立院輿地紀勝

明張惟恕詩魏國爭分鼎臺經幾度過迴風悲鼓吹落日見山河西蜀初相制東吳未肯和卽今歸聖統共聽太平歌

徐師騫春日偕同人集明教臺詩魏武今安在淮南尚有臺昔時神弩盡此日雨花來懷古羣雄失談經寶刹

唐譚鉢明教寺轉關經藏記大唐咸通庚寅歲廬之佛寺曰明教有禪那僧文珣創轉關經藏成命鉢記其事

鉢常學釋氏因錄其義以喻之曰經曰佛滅度後像法存焉夫像似也俾迷者覩其像得其意乃曰經心也藏

藏也如心之含藏萬法者也故曰一心生萬法萬法由一心其動靜弛張在我而已甯窮其義略舉其大斯藏也本於一心靈通無礙動用自在靜則萬法空寂動則

三界彌綸虛偽唯心所造作其在斯乎周迴八角角覺也佛以眼爲八邪耳爲八患鼻爲八苦舌爲八難迴八邪爲八覺迴八患爲八解脫迴八苦爲八安樂迴八難

續修廬州府志

卷十九

祠祀志下

二

爲八王子指四八爲三十二相由此入關返邪歸正成佛之境矣止則寂然無用引則轉而不窮動雖有聲靜乃無跡以此現相俾人歸依知佛之心體道之要使迷徒瞻禮自識根源移於身心可見微密迷者若悟知三乘妙旨未脫輪迴一法正宗不離真性性而非性真何所真乃知三界本空十方一相相而無相知何所知如始當語言道斷心行起滅其藏貯修多羅教數千軸募金長者禪那弟子蘄州長史殿中侍御史上柱國王師貞特力營構果獲成就噫己丑歲屬徐方兵亂援軍屯集雖存根本幾失護持今則色相端嚴典教漸備所表法輪常轉心不動搖略諭因緣以示道俗云爾讚曰修多羅教函於藏輪周迴八角正道斯陳動用一心爲萬法因忘因無法得木歸真鐫於金石用導迷人

龍泉寺原建於赤烏間嘉慶初僧法俊復修理之竹木

排列如畫牧童樵叟不敢擅入咸豐間被賊燬僧性寬

募修竹木漸盛有泉回繞寺中四時不涸其泉分八晝

夜輪灌田畝采訪冊

定光院在梁縣南三十五里唐天祐年間鑄鐵佛三像

羅漢十六尊佛殿甚古又有金剛經八段輿地紀勝

壽龍寺晉時建在東鄉明隆慶志

萬年寺建於梁在南鄉明隆慶志其中佛像相傳亦唐劉鸞

所壞嘉慶志

萬壽寺在時雍門內唐貞觀中建明隆慶志在歲豐橋南唐

武德間建江南通志

福泉寺唐羅珣廬江郡人以窮困嘗投福泉寺隨僧飯

後持節為廬州太守有題僧房壁詩天下名勝志

唐羅珣詩三十年前此布依鹿鳴西上虎符歸故時賓從諸前事到處松杉長舊圍野老共遮官路拜沙鷗遙認隼旗飛春風一宿琉璃殿惟有泉聲愜素機

續修廬州府志 卷十九 祠祀志下

淨柱寺建於唐在東鄉明隆慶志

開福寺蜀山有開福禪寺在合肥縣西二十里乃唐貞

觀間僧慧滿禪師道場輿地紀勝明隆慶志

明黃道年春日陪何別駕登蜀山寺詩春入郊原草色斑斑翩翩結駟叩禪關開尊勝境供談笑載筆名山任往還烟樹依稀青嶂外晴湖隱約白雲間夜深風雨遲歸興茆屋酣眠一榻閒

明城寺唐建在北鄉明隆慶志

澄惠寺建於宋明隆慶志

宋郭祥正詩冠帶淮南第一州揚鞭得從使君遊木魚聲繼東臺曉水荇香傳後浦秋

地藏寺在北門內元時建明隆慶志宋淳熙八年建江南通志

天王寺在西平門內宋時建時隆慶志唐建明正統丁卯重

建有碑文江南通志

明朱鏞重修西天王禪寺碑略廬之西天王寺舊在叢
灌中鞠為蔬圃正統丁卯夏四月有名釋曰發琪者來
住方丈顧察宇積廢幾墜乃與其徒攻苦食淡以為之
倡正身勵行以率其眾盡勞力役不憚寒暑以經紀其
事由是識與不識樂施予以助其不逮逾十年而前殿
後堂山門次第修舉又將十年嚴具諸像供設香花祝
延聖壽而晨鐘暮鼓粥魚齋磬翼然咸備紺碧交輝
居者有資來者有依以至泡湏廩靡不有條不紊

五星寺在城之資壽坊舊名曰五星寺輿地紀勝又在惠政

橋西宋淳熙中建永樂八年重修明隆慶志

羅漢寺在明教臺後嘉慶間僧明杲募修明隆慶志

王永烈羅漢寺記羅漢寺僧明杲重修木寺並創建齋
祖二堂落成問記於余余聞寺建自有唐歷宋元迄明
萬歷四十二年有無疆律師從京都西萬壽寺移錫於
此至崇禎五年四月八日告眾書偈而逝後十年託兆
於寺僧開函見師顏面如生里人以金裝之供奉圓通
閣壬午流賊入寺師大顯神異賊即退寺賴以不毀然
鼎革之後殿宇漸就傾頽國朝雍正年融宗和尚與
其徒見山修葺之而規制猶未完備乾隆間善成和尚

續修廬州府志 卷十九 祠祀志下 四

闢殿之西為觀音堂東為舫居時尚無室宇以庇其眾
今明杲能仰承師教率諸徒攻苦食淡募積檀資以完
百餘年未完之業是不可不書也因諾其請為備書修建之由而記之嘉慶四年

迎水菴在縣東鄉墓店不識始建於何時咸豐間邑紳
刑部郎中李文安辦團設局於內後為賊燬採訪冊

三清觀在東鄉二十里宋熙甯間建咸豐戊午賊至盡
燬同治二年紳民集貲庀工重修數間以存廟貌採訪冊

東廣福寺 龍成寺 龍華寺 游塘寺 施婆寺

清平寺俱宋時建并在東鄉明隆慶志

石佛寺宋時建在三河明隆慶志

四頂寺宋建東鄉四頂山上明隆慶志

邑棠寺在府東鄉三十里宋時建明隆慶志按邑棠寺

在縣治東三十餘里建自宋紹興六年棟宇巍然屋皆數百間中多古松檜諸僧受法門於是寺者益衆咸豐五年刑部郎中李文安聚團於寺捍衛鄉邦曾改邑棠爲甘棠題亞夫細柳召伯甘棠八字於楹洎戊午粵逆犯境廟遭賊燬頽垣斷碣精舍荒涼同治五年復作小構三間留其遺蹟採訪冊

營元寺宋建在西鄉明隆慶志

石塘寺宋建在北鄉明隆慶志

長樂寺 龍會寺 定光寺 東龍泉寺 香積寺

小豐寺 潮城寺 蔚藍寺俱元時建並在東鄉明隆慶志

馬埠寺 義城寺 秋柵寺 白露寺 清規寺 華

續修廬州府志

卷十九

祠祀志下

五

城寺 寶教寺俱元時建並在西鄉明隆慶志

寶福寺在西鄉蜀山上元建明隆慶志江南通志

雞鳴寺在西鄉雞鳴山元建明隆慶志

三城寺元建在西鄉明隆慶志亦云在府東江南通志

明葉盛詩太平鄉里三城寺境界清虛迥不同當面萬山迎佛閣週圍一水護禪宮龍歸優鉢曇花雨鶴舞香烟貝葉風我爲省耕來到此吟詩幽興正無窮

龍泉寺 明覺寺 禎祥寺 石佛寺 須陀寺俱元

時建並在西鄉明隆慶志

通惠寺 多寶寺 牛寨寺 甘露寺 麻城寺俱元

時建並在北鄉明隆慶志

演法寺元建學士胡澗有記在南鄉明隆慶志亦云在梁縣

鄉江南通志

三學寺 黃塘寺 藥師寺俱元建並在南鄉明隆慶志

明吳嶽藥師寺詩古寺鐘聲寂空塔竹影長老禪初出定翻笑使君忙

禮拜寺洪武中建色目人祀之明隆慶志

包城寺洪武初建在東鄉店埠鎮明隆慶志

明王守仁詩行臺依獨寺僧屋自成鄰殿古凝殘雪牆低入早春巷泥晴淖馬檐日煖烘人雲散小岩碧松稍極日新

明劉節詩村市三場輟晨征又護城欹橋盤徑折殘寺下鐘鳴草樹兼天遠風烟接地輕自看頭已白車馬若為情

邱陂寺永樂年建在西鄉明隆慶志

大山寺在東鄉浮槎山咸豐年間燬於賊同治七年甘

涼道李鶴章倡捐重建採訪冊

續修廬州府志 卷十九 祠祀志下 六

觀音菴在東鄉浮槎山咸豐年間燬於賊光緒四年甘

涼道李鶴章獨捐重建採訪冊

方山萬壽寺道光二十八年頽廢杜正琮與僧守信復

修咸豐間被賊燬同治初僧龍海募修山腰旁有泉一

池周圍丈許不竭不溢味甘可愛採訪冊

甘露菴在縣東三十里左圩右河突起一墩周圍數十

步結茅爲菴前有一井四面皆凹井水高丈餘一時進

香火者恆取水以療病有驗菴旁池沼夏日荷花甚盛

士民多遊玩之採訪冊

香社寺在東鄉柘塘街西中有古碑破碎不全但上有

唐朝重修慎縣城節鎮九字隱然可認街東又有泰山

東嶽兩廟皆舊蹟也

採訪冊

廬江縣

顯甯院仙釋志云廬江縣光明山顯甯院唐末有僧結廬山中值巢賊亂執而砍之凡三刀不見血駭而釋之

號三刀祖師

天下名勝志 嘉慶志

玉虛觀在廬江南一里又曰南臺東漢左慈之故隱也

後有人自稱劉方題詩於壁云南臺舊觀再焚修鸞鳳

徘徊無樹留芳草滿時迷白鹿落花深處臥青牛九天

宛轉雲常在萬象縱橫月不收應是廬江人不識蟾宮

遺下水晶樓人謂左真人復來也觀後有水簾洞

方輿勝覽

夷堅志玉虛觀後叢篁中有井相傳元放置丹砂一粒

續修廬州府志

卷十九

祠祀志下

七

其中至政和宣和時每清夜氣肅有紅光自井出赫然

燭天

嘉慶志

觀內有左慈丹井遺址

江南通志

真武觀在大西門外

明隆慶志

治父寺在南慕善鄉建於唐

明隆慶志

又云在縣東北二十

里唐伏虎禪師建

江南通志

天祐中有僧主寺中或半月休

糧或經旬入定夜行邨落虎患屏息上聞賜號山頂即

伏虎菴

康熙志

光祿寺卿吳贊誠未遇時讀書其中

採訪冊

宋蘇佑過治父寺詩寺僻綠溪入堂空歷磴遊人天分上界佛曲麗中秋故治藏龍虎餘光射斗牛翻騰懷劍客凌轍楚諸侯

宋王元載詩寂歷開松逕禪房結翠岑鏘金元有性掛錫本無心被冷雲生屋窗明月透林晨興促行色馬上

續長吟

明羅鳳詩松蘿通曲徑樓閣俯遙岑偶此尋遺跡因之愜素心劍魂消劫火泉脈寄叢林寂歷烟霞晚山空百

鳥吟

明嚴訥詩歐冶已成龍劍去招提猶為昔人傳千年神物今何在五夜精光卻炯然天外陡峯懸疊石雨餘芳徑激飛泉停驂暫向珠梯陟錦繡韶華正滿前

金剛寺在縣東南紫芝坊卽楊行密故居舊名光化吳

主建以居伏虎禪師明隆慶志 江南通志

明呂公懷詩夢入羲皇白髮生夜來征馬渡江城太羹元酒千年事流水高山此日情不信天人齊上下恍如日月共昭明春風回首漸多士古寺空教憶二程

明王如綸金剛寺方丈隅成詩侵晨帶雨出春城無數青芹澗底生採得松花新釀熟白蓮香裏醉淵明

金牛寺在西鄉去治四十五里宋僧安雅建有塔明崇禎志

江南通志

光明寺在東鄉去縣治六十里明崇禎志

竹林寺在東鄉去縣治六十里明崇禎志宋慶元五年建江南

續修廬州府志 卷十九 祠祀志下

通志

麻城寺在東鄉去治二十里明崇禎志

大隆寺永樂初建明隆慶志在東鄉去治四十里元僧海無

涯建明崇禎志

妙光寺在西鄉去治六十里元僧無隱建明崇禎志

皇覺寺 福昌寺俱在西鄉各去縣治四十里明崇禎志

三寶寺在西鄉去治三十里明崇禎志

甘泉寺在西鄉去治三十里明崇禎志在縣東元建順治十

一年重修江南通志

龍泉寺在南鄉去治四十里明崇禎志

勝因寺在南鄉去治三十里明崇禎志

雲隱菴在縣治東北三十里小龍池山麓僧衍聖建明崇禎志

觀音菴在縣治西南四十里大凹山麓僧瑛建明崇禎志

抱龍菴在縣治南四十里明崇禎志

覺海寺在北鄉去治五十里明崇禎志

舒城縣

觀音寺在縣治西宋時建亦云唐建江南通志咸豐中

被賊燬於同治間重建茅屋採訪冊

淨梵寺在縣西周瑜城元建明隆慶志

任光世詩春林如綉暮雲平蒼玉痕中擁化城荒堞尚存三國壘妙香能淡六時情亂山斜矗松間影喧鳥遙傳竹裏聲小憩不知花雨散道心已對石牀生

續修廬州府志 卷十九 祠祀志下 九

伏虎寺在舒城南五里輿地紀勝在縣城南三里元建明隆慶志

江南通志

明趙鈇詩抱病投名利開門見古僧一燈寒共語半閣月初升錫隱梅山鶴茶烹劍水冰草元何日就只欲悟三乘

西伏虎寺在西鄉明隆慶志去治五十里宋時建明崇禎志在縣

西梅嶺內有錫杖泉虎跑泉江南通志

沙河觀在縣西二十五里魏時建宏治間秦司馬重修

明崇禎志咸豐中燬於兵同治間重建採訪冊

洞元觀在縣治北門外元祐間道士劉如愚建明崇禎志

泊水菴在縣南七十里宋祥符二年建明崇禎志兵燹後燬

同治年菴僧募化重建採訪冊

三元觀在縣西明隆慶志

觀音菴在縣西四十里侯家山明崇禎志兵燹後同治年菴

僧募化重建採訪冊

白水寺在縣西鄉宋建江南通志

真如寺在南鄉宋時建明隆慶志

千佛寺在東鄉去治二十里宋時建明崇禎志

大聖寺亦云十里宋時建明崇禎正在東鄉去治二十里江南

通志

航埠寺在東鄉去治四十里宋時建明崇禎志

三石寺去治八十里宋時建明崇禎志

旌忠寺在西鄉去治六十里元時建明崇禎志

續修廬州府志 卷十九 祠祀志下 十

春秋寺在南鄉去治二十里春秋山上元時建明崇禎志

龍菴寺在南鄉去治七十里元時建明崇禎志

衍慶寺在南鄉去治四十里元時建明崇禎志

東嶼菴在南鄉元建明隆慶志

羅漢寺在西鄉去治七十里元時建明崇禎志

歸宗寺在西鄉去治五十里元至治三年僧妙曦建明崇禎志

禎志

西峯寺在西鄉去治六十里元至治二年僧洪恩建明崇禎志

禎志

天龍菴在縣西七十里孟濟山採訪冊

南嶽觀在縣北三十里南嶽曉鐘為桃溪八景之一感

豐中燬採訪冊

雙松菴在賓陽門外僧毅創建知縣陳守仁嘗課士於此咸豐中燬於兵燹採訪冊

門秋菴在縣南六十里居人孫卞建菴右滴水巖飛泉瀑布稱名勝焉採訪冊

廣度菴在縣南七十五里採訪冊

觀音菴在賓陽門內今廢採訪冊

孔家菴在縣西四十里雲湖山邑紳任天成胡永亨張國城許明章黃應宮東四箴僧本念等建本念浙江進

士孔孫昌裔有本宮塔記採訪冊

善度菴在縣西七十里裘冲明末寇至邑人李膺詔奉

續修廬州府志 卷十九 祠祀志下

母黃避亂蕪湖黃中途死於寇詔赴水漁人余斗明救之後歸里建菴以報母並以祀斗明採訪冊

普明菴在縣西九十里王姥山上有煉丹池石龍井飛

來石旁有古塔前有舍身巖採訪冊

迎水菴在縣南一百里曉天鎮東邑人董九裔建採訪冊

德勝菴在慶成門外勝廠祀明黃得功咸豐中燬於兵

燹同治年菴僧重建採訪冊

法華菴在縣南七十里法華寨踞萬山中為邑名刹咸

豐中邑人即其地修寨禦賊採訪冊

香社寺在桃城鎮元建明隆慶志 江南通志

明王守仁詩官程動百里往往向僧居佛鼓迎官急禪
淋為客虛桃花沈井落雲水接郊墟不覺途泥澀看山

興有餘

春秋菴在縣南三十里春秋山明崇禎志

上方菴在縣北明崇禎志

沙橋寺在東鄉去治三十里明崇禎志

無為州

天王殿在州治西北唐天寶間建明崇禎志按無為舊志一

在州治西北隅阮家巷一在大東門外今圯又按僧史

云天寶初西番寇安西奏乞援兵明皇詔不空三藏誦

仁王護國經帝見金甲神人帶甲荷文在殿前不空云

此毗沙門天王第二子獨健往救安西也後安西奏是

日有神人長丈餘被金甲鼓角大鳴番寇奔潰斯須城

續修廬州府志 卷十九 祠祀志下 十三

上天王見形謹圖形上進因勅諸節鎮所在州府於城

西北隅各立天王廟故郡人相傳祀之嘉慶志

五顯殿在城大東門一名華光廟明崇禎志

府君殿在太平鄉七畝明崇禎志

地藏王殿在開四汛響山頂州志同治七年新建採訪冊

三聖殿在開四汛銀屏山頂光緒五年僧福原募建廟

成自焚死州志

慈雲寺在太平鄉宋建淳熙中勅賜教忠禪院明崇禎志江

南通志咸豐年間被賊燬僧恆松榮點重建採訪冊

大甯院在軍東南六十里地名臨湖當濡須潛水之交

有湖山林泉之勝方輿勝覽

宋呂夷簡詩飄然吟魄到鼇山好句空留水石間眼愛清虛心不息浮生能有幾人閒

白鶴觀在城南明隆慶志襄安鎮上建於唐時墩形如印高

十丈康熙志中有墨泉江南通志

崇德觀在州治東明隆慶志舊名羣仙觀宋建江南通志遙接江

南繁昌鐘阜諸山寶元中運使張士先以奉灌口李冰

之神後復為觀洪武中改其名曰崇德康熙志

南汰寺 北汰寺南汰寺在汰水之南北汰寺在太平

鄉汰水之北宋澄公和尚建南汰有塔明崇禎志南汰寺宋

咸平元年建有古塔北汰寺唐永徽二年建江南通志

曾鼎南汰寺詩玲瓏臺殿護松陰靜境真成地布金風細落花輕著砌春深嗁鳥亂穿林烹茶竈小爐烟濕洗鉢池荒塔影沈香霧氤氳華蓋結梵聲齊震海潮音又北汰寺詩竹杖芒鞋步翠微追尋山寺問禪機松蘿有

續修廬州府志 卷十九 祠祀志下 三

影深籠院鐘磬無聲靜掩扉香裊竹窗僧定久雨荒苔徑客來稀人間得失皆成幻何用虛名惹是非

延福寺在無為鄉去城南十五里宋服公和尚建明崇禎志

宋淳祐三年建江南通志咸豐年間兵燹被燬僧性和重建

採訪

明莊景延福寺詩十畝祇園一望賒繞堂多種款冬花山中高士投蓮社石上禪師坐晚霞紅葉大書門口寺

小溪清酌雨前茶大顛須識簪纓好莫向空門老歲華明朱鏞延福寺詩望入松陰一徑賒更無雞犬有桃花

芸香竹色聞嗁鳥水影山光見落霞夜雨梵鐘翻貝葉春風石鼎試新茶也知心地清如許肯信人間鬢有華

雙峯寺在南鄉宋懷寶和尚建明崇禎志

巖臺寺宋妙勝和尚建明崇禎志在州開城鄉宋景德三年

建江南通志

明劉汝佳巖臺寺詩巖臺山下路強半採樵行牧豎穿雲滑牛羊度嶺平潭空搖柳影石冷咽泉聲薄暮歸閑

寺山僧
進晚羹

報國寺僧宗順建明崇禎志在州開城鄉宋建江南通志

西廣德寺僧守菴建明崇禎志

南蘇寺宋乾道年間建明崇禎志

海會寺遠公和尚建明崇禎志

明吳國寶過海會寺詩昔遊三十載今見幾人存僧臘頭橫雪松巢鶴又孫妙香聞下界清磬出雲軒問偈悲前事非緣禮世尊

吉祥寺去城南三十五里明崇禎志

龍華寺僧宗義建明崇禎志

香巖寺去城東北七十里明崇禎志

龍泉寺去城東八十里明崇禎志

續修廬州府志 卷十九 祠祀志下

古

柏林寺在南鄉宋行勝和尚建明崇禎志

景福寺在城州治西明崇禎志唐貞觀中建江南通志一名西寺

宋淳祐三年建州志咸豐年間燬於火寺後地藏殿藏經

樓被焚旋全毀於賊僅存一塔同治五年州人就遺址

建屋數間採訪冊

雙泉寺在北鄉雙泉山麓唐伏虎禪師建明崇禎志

宋文同無爲山寺詩一絕危磴遶崢嶸上徹幽深入化城烟外川原相向背雲中樓閣自陰晴老僧高論都無著古佛真身宛若生聞道軍持新咒水願傾涓滴洗塵

明董全詩百里西山寺雙泉下石扉白雲僧占久紅樹客來稀野小恆沙聚池清泡影微茫然望天海空路是依

羅漢寺在城州治東唐永徽三年澄公和尚建嘉靖甲

寅正殿燬惟華光樓獨存樓像係五顯故亦名五福寺

明崇禎志按無為舊志萬厯間住持僧慶昭重修後華光樓

亦燬寺內有觀音菴清涼境寺左有地藏閣靈官殿殿

內供僧隱明肉身事詳仙釋傳

嘉慶志

寶林寺在開城鄉有古塔一座唐僧慶公建

明崇禎志

在州

西有古塔唐垂拱二年建

江南通志

天華寺在太平鄉永徽年間建

明崇禎志

按無為州舊志宋

元祐八年僧夔公重修

嘉慶志

泗州禪寺在太平鄉宋開寶五年無涯和尚建

明崇禎志江南

通志

定林寺在太平鄉有古塔宋開禧間建

明崇禎志

續修廬州府志 卷十九 祠祀志下

五

淨行寺在太平鄉宋淳熙間希仙和尚建

明崇禎志

上陽寺有二一去城東八十里為東上陽一在周興鄉

西宋大賢和尚建是為西上陽

明崇禎志

白水寺在城外南鄉

明崇禎志

貴山寺在桐城鄉宋智信和尚建

明崇禎志

青岡寺在南鄉僧繼道重建

明崇禎志

更樓寺去城東一百二十里面臨大江與蕪湖相對

明崇禎志

禎志

東湖寺在南鄉

明崇禎志

廣德寺在南鄉宋僧如山建

明崇禎志

楊公寺在南鄉去城九十里

明崇禎志

祈雨山寺在北鄉去城六十里

明崇禎志

天井山寺在北鄉去城九十里

明崇禎志

太平菴在草鞋嶺距城北三十五里盧姓建涼亭施茶

道光九年有臥雲僧得道仙去

州志

巢縣

西聖宮在縣治西一里許萬曆七年建

明崇禎志

東聖宮在縣東蕭公廟後原名真武臺萬曆十年改今

名

明崇禎志

紫微觀去巢鄉北八里有紫微山及洞道書所謂第十

八金庭福地此山乃王喬登仙之處有碑云乘鳧馭鶴

吹笙脫履而歸舉手長別其碑皴刻難讀今亦不存矣

續修廬州府志 卷十九 祠祀志下 十六

方輿勝覽紫微觀舊在巢縣北十里金庭山下今遺址猶存

宋末遷入於城洪武二年再遷於縣治西北臥牛山

江南

通志在縣治北內有文昌祠

明崇禎志

明志馬廷用登紫微觀遺址詩行登山路紫微宮湖水蒼

茫一望中洞口草荒晴亦暝壇前松老夜還風飛來仙

鳥無人識附去丹書有鶴通正好

銜杯天欲暮坐聽譙鼓出林東

明崇禎志

雲臺宮在鳳凰山巔去城西七里許萬曆二十七年建

明崇禎志

大秀廟去城十五里許萬曆十四年建

定林慈氏寺在縣治北明初設僧會司嘉靖中改爲儒

學萬曆四年仍復爲寺

明崇禎志

在縣治崇善坊梁武帝時

建宋乾道間建塔

江南通志

兵燹後改建於白業菴舊

址僅起後殿一層知縣童增錦同牙釐局員孫啟楫水師劉登玉倡捐集資增修堂宇一新以為歲時

朝賀行禮之所計用工料洋蚨三百三十餘圓工竣記其事勒石嵌於壁

探訪册

西隱寺在縣治西臥牛山下明崇禎志創自梁時宋景定明

宣德嘉靖年間重修康熙志

羅漢寺在柘皋鄉宋開寶二年建古塔見存明崇禎志

明郭奎遊羅漢寺詩步出城東門褰裳涉西溼幽尋窮四郊日入未遑已逍遙遠塵蹤夕憩空門裏陰塔轉長廊金碧炫晴綺園池清且深水竹淡如洗追念疇昔歡豈謂重來此春日忽載陽百物含芳藥好鳥向我鳴高僧見人起閑雲上石生天花覆瑤几信宿方告還行行詎能止

法雲寺在縣南七十餘里宋淳熙間建明崇禎志

續修廬州府志 卷十九 祠祀志下

林泉寺在西鄉明崇禎志

大甘泉寺在縣南二十里明崇禎志在散兵鎮宋淳熙間創

建泉清冽出石峽中康熙志

明葉善守遊甘泉寺詩尋幽入深山身在翠微裏疊橋通杖藜鑿穴貯泉水樹杪覓秋聲雲根探石髓山人最好奇不厭頻來此

小甘泉寺在縣南六十里明崇禎志在鳳舒河上萬山之中

宋嘉定間創元至正修有泉清冽勝大甘泉康熙志

相山寺在縣南一百里明崇禎志在縣南山中宋開寶四年

建高宗嘗幸其處勅賜教忠禪院江南通志即林泉寺康熙志

清泰寺在縣西四十五里明崇禎志在摩旗墩邊宋景定間

創康熙志

竹城寺在縣西四十五里宋寶祐元年建明崇禎志卽寶林

院康熙志

宋阮美成西鄉寶林院詩繞屋依依竹萬竿門前塘水一方寒不知誰把青螺髻移向碧琉璃上安

觀心寺在縣西五十里明崇禎志俗稱銅場寺在鎮南橋頭

宋淳熙間建康熙志

法輪寺縣西六十里明崇禎志在曰露河宋紹熙間創有石

柱輪藏古塔康熙志

大力寺在北鄉明崇禎志王喬洞東北宋景定間創傍有大

力泉源出自龜洞味極佳巢境此水為第一康熙志

廣嚴寺在縣西四十里宋淳祐間創明正統天順間重

修康熙志

續修廬州府志 卷十九 祠祀志下 六

尖山寺在縣西北八十里明崇禎志創自元至正間康熙志

金城寺在縣西南界一百里明崇禎志世傳魏武所築以禦

孫權故名元魏丙午有浮屠善詢者創寺歷唐宋興廢

不一康熙志

圓通寺在縣南二十里元時建明崇禎志又云宋建江南通志在

牛角山隈創自元時其地有岡巒之勝康熙志

上生寺在縣北五十里明崇禎志近黃山元至正創明洪武

永樂年間重修康熙志

白馬寺在縣北五十里明崇禎志在姚萇村元延祐創明天

順間修康熙志

鳳凰寺在縣西十里明崇禎志占大墩高數丈周一里餘林

木陰翳元至正創明成化年修地近金國公朝與之墓

康熙志

明教寺在縣東三十里明崇禎志在東西兩關為孫吳屯糧

之所久廢碑存康熙志

龜山寺在縣東南三十里明崇禎志

濡須寺在龜山上康熙志咸豐三年燬於兵燹同治元年

總兵朱鴻章等捐銀三百兩文生王光溥職員馮克家

監生傅作舟督工重建正殿五間置田租五十餘石採訪

冊

芙蓉菴在浮穠嶺明何邦漸建為濡須孔道萬厯初其

地有守望軒後僧人漸次作菴高下曲折為遊觀之所

續修廬州府志 卷十九 祠祀志下 九

康熙志

明何邦漸建芙蓉菴詩乾坤許大無局鑰浮蹤是處堪

行樂青山千古看人忙功名幾上凌烟閣我從此馭入

三巴鍾離濡口兩移家么膺無補世緣薄到處尋幽學

種花種花不是河陽滿僻愛登高舒嘯覽前侯曾此構

山亭我來為作芙蓉館芙蓉秋水美人稀安樂行窩繼

者誰撥拾唾餘博升斗聯鑣結駟羞塗泥塗泥底事無

蟬蛻隨分因緣須悟覺行行暫此一停驂小院琅玕不

蕭索春雨桃花秋月梧秋來春去景不疏況復四山環

翠幕靜几孤榻宜琴書狂歌劇笑雲天響清夢乍醒神

骨爽升沈久已付青蒼此際自能祛擾攘飄飄何日得

閒身半日投閒即是真真空看到出塵劫虛名薄譽歸

浮雲浮雲聚散任南北封疆主人原是客驅車能得幾

僧伴明月又留別芙蓉新刹詩塵海無涯著定蹤二毛消滅少年

容要登蘭若三千界偶拓芙蓉第一峯涼夜暫浮香榭

水野雲初挂曲欄松飄飄欲泛淮東舫誰聽緱山午夜鐘

宏證菴同治七年住持僧能暈重建採訪冊

續修廬州府志

卷十九

祠祀志下